



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՐԴ

ք. Երևան

25.08.2016թ.

Ո Ր Ո Շ ՈՒ Մ

ՀՀ գնումների բողոքարկման խորհրդի ՍՑ-28/16

ՀՀ գնումների բողոքարկման խորհրդի (այսուհետ նաև՝ Խորհուրդ) քննող հանձնաժողովը՝ գործելով Խորհրդի անունից և ուսումնասիրելով ՀՀ ֆինանսների նախարարության 17.03.2016թ. թիվ 1/73-1/9994-16 գրությամբ ներկայացված Ա/Ձ Արտաշես Տիգրանի Բաղդասարյանին (ՀՎՀՀ՝ 32530056) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքը (այսուհետ նաև՝ ՍՑ-ԳԲԽ-28/16 բողոք), ՀՀ ֆինանսների նախարարության 25.01.2016թ. թիվ 1/73-1/2101-16 գրությունը, ՀՀ պաշտպանության նախարարության 16.01.2016թ. թիվ ԴՎԱ/85 գրությունը և կից փաստաթղթերը, Ա/Ձ Արտաշես Տիգրանի Բաղդասարյանի 11.02.2016թ. գրությունը, ինչպես նաև ուսումնասիրելով ՍՑ-ԳԲԽ-28/16 բողոքի վերաբերյալ «Գնումների աջակցման կենտրոն» ՊՈԱԿ-ի 23.08.2016թ. ներկայացրած եզրակացությունը պարզեց.

1. ՀՀ ֆինանսների նախարարության ներկայացրած փաստերը և պահանջը

ՀՀ ֆինանսների նախարարությունը, ՀՀ պաշտպանության նախարարության 16.01.2016թ. թիվ ԴՎԱ/85 գրության հիման վրա, 25.01.2016թ. թիվ 1/73-1/2101-16 գրությամբ դիմել է «Գնումների աջակցման կենտրոն» ՊՈԱԿ-ին (այսուհետ՝ Կենտրոն)՝ խնդրելով ուսումնասիրել Ա/Ձ Արտաշես Տիգրանի Բաղդասարյանին (այսուհետ նաև՝ Ա/Ձ) գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ վերը նշված մասնակցին Ցուցակում ներառելու համար:

Կենտրոնը 12.03.2016թ. թիվ 01/04.1/911-16 գրությամբ ՀՀ ֆինանսների նախարարության 25.01.2016թ. թիվ 1/73-1/2101-16 գրության հիման վրա «Գնումների աջակցման կենտրոն» ՊՈԱԿ-ում կատարված ուսումնասիրության արդյունքում կազմել է

եզրակացություն, որով արձանագրել է Ա/Ձ Արտաշես Տիգրանի Բաղդասարյանի կողմից «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված խախտման առկայությունը:

Միաժամանակ, Կենտրոնը հայտնել է, որ «Գնումների մասին» ՀՀ օրենքի (այսուհետ նաև՝ Օրենք) 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում մասնակցին ներառելու համար անհրաժեշտ է, որ նույն կետով սահմանված և մասնակցին վերագրվող խախտում թույլ տալու պահից **մեկ տարվա ընթացքում անձը մասնակցած լինի գնման որևէ գործընթացին և ներկայացրած լինի հայտ**, քանի որ օրենքի նշված նորմի համաձայն՝ մասնակիցն ընդգրկվում է նշված ցուցակում, եթե վերագրվող խախտումը կատարվել է հայտը ներկայացնելու պահին նախորդող տարվա ընթացքում:

Հաշվի առնելով վերոգրյալը՝ Կենտրոնը գտել է, որ խախտումը թույլ տալու պահից (22.12.2015թ.) հաշված մեկ տարվա ընթացքում Ա/Ձ-ի կողմից հայտ ներկայացնելը հիմք կհանդիսանա ՀՀ գնումների բողոքարկման խորհրդում պաշտոնական ընթացակարգ նախաձեռնելու համար, որի արդյունքում Ա/Ձ Արտաշես Տիգրանի Բաղդասարյանը կարող է ներառվել գնումների գործընթացին մասնակցելու իրավունք չունեցող մասնակիցների ցուցակում:

Միաժամանակ, նույն գրությամբ Կենտրոնը խնդրել է ՀՀ ֆինանսների նախարարությանը «Գնումների մասին» ՀՀ օրենքի 5-րդ հոդվածի 1-ին մասի 4-րդ կետով նախատեսված խախտում թույլ տված մասնակցի անվանումը հրապարակել www.gnumner.am համացանցային կայքում, ինչպես նաև համապատասխան շրջաբերականով պատվիրատուների կողմից հայտարարված մրցակցային գնման ընթացակարգերին Կենտրոնի եզրակացությունով արձանագրված խախտումը թույլ տված մասնակցի կողմից մեկ տարվա ընթացքում հայտ ներկայացնելու դեպքում այդ մասին Կենտրոնին անհապաղ տրամադրել գրավոր տեղեկություններ (ընթացակարգի ծածկագիրը, մասնակցի հայտի պատճենը և այլն):

Սակայն ՀՀ ֆինանսների նախարարությունը, 17.03.2016թ. թիվ 1/73-1/9994-16 գրությամբ Կենտրոնին հայտնել է, որ անհրաժեշտ է Ա/Ձ Արտաշես Տիգրանի Բաղդասարյանին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով կազմակերպել բողոքարկման գործընթաց:

2. Ա/Ձ Արտաշես Տիգրանի Բաղդասարյանի ներկայացրած փաստարկները և դիրքորոշումը

«Գնումների աջակցման կենտրոն» ՊՈԱԿ-ը կարծիք ստանալու նպատակով 29.01.2016թ. թիվ 01/04.1/205-16 գրությամբ դիմել է Ա/Ձ Արտաշես Տիգրանի Բաղդասարյանին:

Ա/Ձ-ն 11.02.2016թ. գրությամբ Կենտրոնին հայտնել է, որ 2015թ. վերջինիս կողմից իրականացվել են ընդհանուր 40.052.000 ՀՀ դրամի աշխատանքներ և հետևաբար 2015թ. ունեցել է վերը նշված գումարի չափով համախառն եկամուտների հանրագումար: Հաշվի առնելով վերոգրյալը, Ա/Ձ-ն ի սկզբանե ցանկություն չի ունեցել կեղծ տվյալներ տրամադրելու և մտածել է, որ 2015թ. շրջանառությունը հաշվի է առնվելու, հետևաբար խնդրել է ներողամտաբար մոտենալ կատարված խախտմանը և նախորդող երեք հաշվետու տարիների համախառն եկամուտների հանրագումարը համարել իրականացված:

3. ՀՀ պաշտպանության նախարարության ներկայացրած փաստարկները և դիրքորոշումը

ՀՀ պաշտպանության նախարարությունը 16.01.2016թ. թիվ ԴՎԱ/85 գրությամբ ՀՀ ֆինանսների նախարարությանն է ներկայացրել է «ԳԱԿ-ՇՀԱՇՁԲ-15/6-ՀՀ ՊՆ ՆՏԱԴ-ՇՀԱՇՁԲ-2/1» ծածկագրով շրջանակային համաձայնագրերի միջոցով գնում կատարելու ընթացակարգին (այսուհետ նաև՝ Ընթացակարգ) վերաբերող բոլոր անհրաժեշտ փաստաթղթերի պատճենները:

Միևնույն ժամանակ, Պատվիրատուն վերոհիշյալ գրությամբ հայտնել է, որ Կարգի 47-րդ կետի 1-ին ենթակետով նախատեսված տվյալների ճշտման նպատակով վերջինս 24.12.2015թ. հարցում է կատարել ՀՀ ֆինանսների նախարարությանը, սակայն սահմանված ժամկետում չի ստացվել համապատասխան եզրակացություն, ուստի Պատվիրատուն Ընկերության կողմից ներկայացված տվյալները դիտարկել է իրականությանը համապատասխանող: Այնուհետև անգործության ժամկետից հետո հաղթող մասնակցին պայմանագիր կնքելու առաջարկ է ներկայացվել: ՀՀ ֆինանսների նախարարությունից 08.01.2016թ. ուղացումով ստացվել է Կարգի 48-րդ կետով նախատեսված համապատասխան եզրակացությունը, ըստ որի Ա/Ձ-ի հայտը ներկայացնելուն նախորդող երեք հաշվետու տարիների համախառն եկամտի հանրագումարը պակաս է ներկայացված գնային առաջարկից:

4. ՍՑ-ԳԲԽ-28/16 բողոքի վերաբերյալ «Գնումների աջակցման կենտրոն» ՊՈԱԿ-ի դիրքորոշումը

«Գնումների աջակցման կենտրոն» ՊՈԱԿ-ը Խորհրդին է ներկայացրել իր 23.08.2016թ. եզրակացությունը և առաջարկել է ՀՀ ֆինանսների նախարարության 17.03.2016թ. թիվ 1/73-

1/9994-16 գրությամբ նախաձեռնած Ա/Ձ Արտաշես Տիգրանի Բաղդասարյանին (ՀՎՀՀ՝ 32530056) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգը մերժել:

5. ՍՅ-ԳԲԽ-28/16 պաշտոնական ընթացակարգով նախաձեռնված բողոքի քննության համար էական նշանակություն ունեցող փաստերը

ՀՀ ֆինանսների նախարարության 17.03.2016թ. թիվ 1/73-1/9994-16 գրությամբ ներկայացված Ա/Ձ Արտաշես Տիգրանի Բաղդասարյանին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքի քննության համար էական նշանակություն ունեն հետևյալ փաստերը՝

1. ՀՀ պաշտպանության նախարարության կողմից ավտոպահեստամասերի ձեռքբերման նպատակով կազմակերպվել է «ԳԱԿ-ՇՀԱՇՁԲ-15/6-ՀՀ ՊՆ ՆՏԱԴ-ՇՀԱՇՁԲ-2/1» ծածկագրով շրջանակային համաձայնագրերի միջոցով գնում կատարելու ընթացակարգ, որին մասնակցելու նպատակով **22.12.2015թ.** հայտ է ներկայացրել Ա/Ձ Արտաշես Տիգրանի Բաղդասարյանը:

2. Ա/Ձ-ն հայտի N 3.4 հավելվածի «ա» կետով հայտնել և հավաստել է, որ **հայրը ներկայացնելուն նախորդող երեք հաշվետու տարիների համախառն եկամրի հանրագումարը պակաս չէ ներկայացված գնային առաջարկից:**

3. Ա/Ձ-ն հայտի N 4 հավելվածով ներկայացրել է գնային առաջարկ, որի ընդհանուր գինը թվով 10 չափաբաժինների համար կազմել է՝ 1.936.050 ՀՀ դրամ (1-ին չափաբաժին՝ 125300 ՀՀ դրամ), (2-րդ չափաբաժին՝ 163800 ՀՀ դրամ), (4-րդ չափաբաժին՝ 72000 ՀՀ դրամ), (5-րդ չափաբաժին՝ 157300 ՀՀ դրամ) (6-րդ չափաբաժին՝ 1168250 ՀՀ դրամ), (7-րդ չափաբաժին՝ 15000 ՀՀ դրամ), (8-րդ չափաբաժին՝ 225000 ՀՀ դրամ), (9-րդ չափաբաժին՝ 1900 ՀՀ դրամ), (10-րդ չափաբաժին՝ 1800 ՀՀ դրամ), (11-րդ չափաբաժին՝ 5700 ՀՀ դրամ):

4. Պատվիրատուն, Կարգի 47-րդ կետի 1-ին ենթակետի համաձայն, տվյալների ճշտման մասին 24.12.2015թ. կատարած հարցմամբ խնդրել է ՀՀ ֆինանսների նախարարությանը տրամադրել տեղեկատվություն Ա/Ձ Արտաշես Տիգրանի Բաղդասարյանի վերաբերյալ:

5. Ի պատասխան վերոհիշյալ հարցմանը՝ ՀՀ ֆինանսների նախարարության կողմից 08.01.2016թ. Պատվիրատուին տրամադրվել է եզրակացություն, համաձայն որի Ա/Ձ

Արտաշես Տիգրանի Բաղդասարյանի *հայրը ներկայացնելուն (22.12.2015թ.) նախորդող երեք հաշվետու տարիների (2012թ., 2013թ., 2014թ.) համախառն եկամուտ չի ունեցել:*

6. Կենտրոնը ՀՀ ֆինանսների նախարարությանն ուղղված 12.03.2016թ. թիվ 01/04.1/911-16 գրությամբ արձանագրել է Ա/Ձ Արտաշես Տիգրանի Բաղդասարյանի կողմից «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված խախտման առկայությունը և խնդրել ՀՀ ֆինանսների նախարարությանը «Գնումների մասին» ՀՀ օրենքի 5-րդ հոդվածի 1-ին մասի 4-րդ կետով նախատեսված խախտում թույլ տված մասնակցի անվանումը հրապարակել www.gnumner.am համացանցային կայքում, ինչպես նաև համապատասխան շրջաբերականով պատվիրատուների կողմից հայտարարված գնման ընթացակարգերին Կենտրոնի եզրակացությունով արձանագրված խախտումը թույլ տված մասնակցի կողմից մեկ տարվա ընթացքում հայտ ներկայացնելու դեպքում այդ մասին Կենտրոնին անհապաղ տրամադրել գրավոր տեղեկություններ (ընթացակարգի ծածկագիրը, մասնակցի հայտի պատճենը և այլն):

7. ՀՀ ֆինանսների նախարարությունը 17.03.2016թ. թիվ 1/73-1/9994-16 գրությամբ հայտնել է, որ անհրաժեշտ է Ա/Ձ Արտաշես Տիգրանի Բաղդասարյանին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով կազմակերպել բողոքարկման գործընթաց:

6. Խորհրդի հիմնավորումները և եզրահանգումը

Քննելով ՍՅ-ԳԲԽ-28/16 բողոքը, Խորհուրդը գտնում է, որ այն ենթակա է մերժման հետևյալ հիմնավորմամբ.

Օրենքի 5-րդ հոդվածի 3-րդ մասի 4-րդ կետը սահմանում է, որ մասնակիցը պետք է բավարարի հրավերով սահմանված որակավորման չափանիշներին: **Մասնակիցը պետք է ունենա պայմանագրով նախատեսված պարտավորությունների կատարման համար հրավերով պահանջվող ֆինանսական միջոցներ:**

Օրենքի 5-րդ հոդվածի 3-րդ մասի 4-րդ կետը սահմանում է, որ մասնակիցը պետք է բավարարի հրավերով սահմանված որակավորման չափանիշներին: **Մասնակիցը պետք է ունենա պայմանագրով նախատեսված պարտավորությունների կատարման համար հրավերով պահանջվող ֆինանսական միջոցներ:**

Օրենքի 5-րդ հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե հայտը ներկայացնելու պահին նախորդող տարվա ընթացքում **գնման գործընթացի շրջանակում ներկայացրել է կեղծ տվյալ:**

Օրենքի 48-րդ հոդվածի 6-րդ մասի 7-րդ կետի համաձայն՝ ՀՀ գնումների բողոքարկման խորհուրդն իրավունք ունի որոշում կայացնելու մասնակցին գնումների գործընթացին մասնակցության իրավունք չունեցող մասնակիցների ցուցակում ներառելու համար:

Կարգի 47-րդ կետի 1-ին ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային եղանակով Հայաստանի Հանրապետության ֆինանսների նախարարություն հարցում է ներկայացնում առաջին և հաջորդաբար տեղ զբաղեցրած մասնակիցների՝ Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ ժամկետանց հարկային պարտավորությունների, ինչպես նաև նույն կարգի 67-րդ կետով նախատեսված որակավորման պահանջի առկայության վերաբերյալ՝ ներկայացնելով հարկ վճարողի հաշվառման համարը:

Կարգի 48-րդ կետի համաձայն՝ եթե կարգի 47-րդ կետի 1-ին ենթակետով նախատեսված հարցմանն ի պատասխան տրամադրված եզրակացության արդյունքում մասնակցի ներկայացրած հայտարարությունները որակվում են իրականությանը չհամապատասխանող, ապա՝

1) հայտերի գնահատման արդյունքների հրապարակման նիստում հանձնաժողովի որոշմամբ տվյալ մասնակցի հայտը մերժվում է, և

2) այդ մասնակցի տվյալները գնման գործընթացին մասնակցելու իրավունք չունեցող մասնակիցների ցուցակում ներառելու գործընթաց նախաձեռնելու նպատակով ի հայտ եկած հանգամանքների մասին տեղեկությունները պատվիրատուի կողմից ուղարկվում են Հայաստանի Հանրապետության ֆինանսների նախարարություն՝ դրանց ի հայտ գալու օրվան հաջորդող երեք աշխատանքային օրվա ընթացքում:

Կարգի 67-րդ կետի 1-ին ենթակետի «ա» պարբերության համաձայն՝ մասնակիցների՝ Օրենքի 5-րդ հոդվածի 3-րդ մասի 4-րդ կետով նախատեսված՝ «Ֆինանսական միջոցներ» չափանիշը գնահատվում է հետևյալ կարգով՝

1) հրավերով պահանջվում է, որ Հայաստանի Հանրապետության ռեզիդենտ հանդիսացող մասնակիցն իր հայտով ներկայացնում է հայտարարություն այն մասին, որ իր կողմից **հայտը ներկայացվելուն նախորդող՝ երեք հաշվեպու պարիների համախառն եկամտի հանրագումարը պակաս չէ ներկայացված գնային առաջարկից:**

Կարգի 124-րդ կետի համաձայն՝ Հայաստանի Հանրապետության ֆինանսների նախարարությունը քննարկում է կենտրոնի կողմից ներկայացված գնումների գործընթացին մասնակցելու իրավունք չունեցող մասնակիցների ցուցակում տվյալ մասնակցին ներառելու

հիմքերի բացակայության վերաբերյալ տրամադրված եզրակացությունը, համաձայնության դեպքում՝

1) դադարեցնում է գնումների գործընթացին մասնակցելու իրավունք չունեցող մասնակիցների ցուցակում տվյալ մասնակցին ներառելու նպատակով նախաձեռնած գործընթացը և տեղեկացնում դիմող պատվիրատուին.

2) հակառակ դեպքում կենտրոն է ներկայացնում Հայաստանի Հանրապետության ֆինանսների նախարարության առարկությունները և պահանջում նախաձեռնել գնումների գործընթացին մասնակցելու իրավունք չունեցող մասնակիցների ցուցակում տվյալ մասնակցին ներառելու ընթացակարգը:

ՀՀ պաշտպանության նախարարության կողմից ավտոպահեստամասերի ձեռքբերման նպատակով կազմակերպված «ԳԱԿ-ՇՀԱՇՁԲ-15/6-ՀՀ ՊՆ ՆՏԱԴ-ՇՀԱՇՁԲ-2/1» ծածկագրով շրջանակային համաձայնագրերի միջոցով գնում կատարելու ընթացակարգին մասնակցելու նպատակով Ա/Ձ Արտաշես Տիգրանի Բաղդասարյանը **22.12.2015թ.** ներկայացրած հայտի N 3.4 հավելվածով հայտնել և հավաստել է, որ հայտը ներկայացնելուն նախորդող երեք հաշվետու տարիների համախառն եկամտի հանրագումարը պակաս չէ ներկայացված գնային առաջարկից, մինչդեռ համաձայն ՀՀ ֆինանսների նախարարության կողմից 08.01.2016թ. Պատվիրատուին տրամադրվել է եզրակացություն, համաձայն որի Ա/Ձ Արտաշես Տիգրանի Բաղդասարյանը **հայտը ներկայացնելուն (22.12.2015թ.) նախորդող երեք հաշվետու տարիների (2012թ., 2013թ., 2014թ.) համախառն եկամուտը չի ունեցել:**

Ելնելով վերոգրյալից՝ Խորհուրդը գտնում է, որ Ա/Ձ Արտաշես Տիգրանի Բաղդասարյանի կողմից 22.12.2015թ. հայտի N 3.4 հավելվածով ներկայացված հայտարարությունը հանդիսանում է «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված գնման գործընթացի շրջանակում կեղծ տվյալի ներկայացում:

Այսպիսով, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում մասնակցին ներառելու համար **պարտադիր և միաժամանակյա առկա հիմքերն են՝**

- նույն կետի «բ» ենթակետերով նախատեսված և մասնակցին վերագրվող խախտման առկայությունը,

- խախտումը թույլ տալու պահից մեկ տարվա ընթացքում մասնակցի կողմից գնման գործընթացին մասնակցելու համար հայտ ներկայացրած լինելու հանգամանքը:

Հետևաբար, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում Ա/Ձ-ին ներառելու

համար անհրաժեշտ է, որ նույն կետով սահմանված և Ա/Ձ-ին **վերագրվող խախտում թույլ տալու պահից մեկ տարվա ընթացքում վերջինս մասնակցած լինի գնման որևէ գործընթացին և ներկայացրած լինի հայտ**, քանի որ օրենքի նշված նորմի համաձայն՝ մասնակիցն ընդգրկվում է նշված ցուցակում, եթե վերագրվող խախտումը կատարվել է հայտը ներկայացնելու պահին նախորդող տարվա ընթացքում:

Այսպիսով, Խորհուրդն արձանագրում է, որ Ա/Ձ Արտաշես Տիգրանի Բաղդասարյանի վերաբերյալ դեռևս առկա է Ցուցակում ներառելու միայն մեկ հիմքը, այն է՝ **Օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված և վերջինիս վերագրվող խախտման առկայությունը**, սակայն Ա/Ձ-ին Ցուցակում ներառելու մասին որոշումը կարող է կայացվել միայն երկրորդ պարտադիր հիմքի՝ **խախտումը թույլ տալու պահից մեկ տարվա ընթացքում մասնակցի կողմից հայտ ներկայացնելու հանգամանքի** ի հայտ գալու պայմաններում: Մինչդեռ, մինչև վերոհիշյալ եզրակացությունը ՍՑ-ԳԲԽ-28/16 բողոքը քննող հանձնաժողովին տրամադրելը՝ **առկա չէ որևէ տեղեկատվություն Ա/Ձ-ին վերագրվող խախտում թույլ տալու պահից (22.12.2015թ.) մեկ տարվա ընթացքում գնման որևէ գործընթացին հայտ ներկայացրած լինելու վերաբերյալ:**

Ա/Ձ Արտաշես Տիգրանի Բաղդասարյանին վերագրվող խախտում թույլ տալու պահից (22.12.2015թ.) մեկ տարվա ընթացքում գնման որևէ գործընթացին հայտ ներկայացրած լինելու վերաբերյալ տեղեկատվություն ձեռք բերելու նպատակով Կենտրոնը ՀՀ ֆինանսների նախարարությանն ուղղված 12.03.2016թ. թիվ 01/04.1/911-16 գրությամբ, արձանագրելով Ա/Ձ-ի կողմից «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված խախտման առկայությունը, խնդրել է ՀՀ ֆինանսների նախարարությանը Ա/Ձ-ի անվանումը հրապարակել www.gnumner.am համացանցային կայքում, ինչպես նաև համապատասխան շրջաբերականով պատվիրատուների կողմից հայտարարված մրցակցային գնման ընթացակարգերին Կենտրոնի եզրակացությունով արձանագրված խախտումը թույլ տված Ա/Ձ Արտաշես Տիգրանի Բաղդասարյանի կողմից մեկ տարվա ընթացքում հայտ ներկայացնելու դեպքում այդ մասին Կենտրոնին անհապաղ տրամադրել գրավոր տեղեկություններ (ընթացակարգի ծածկագիրը, մասնակցի հայտի պատճենը և այլն):

Սակայն, ՀՀ ֆինանսների նախարարությունը 17.03.2016թ. թիվ 1/73-1/9994-16 գրությամբ հայտնել է, որ անհրաժեշտ է Ա/Ձ Արտաշես Տիգրանի Բաղդասարյանին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով կազմակերպել բողոքարկման գործընթաց:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 6-րդ մասով՝ ՀՀ գնումների բողոքարկման խորհուրդը

Ո Ր Ո Շ Ե Ց


ՀՀ ֆինանսների նախարարության 17.03.2016թ. թիվ 1/73-1/9994-16 գրությամբ նախաձեռնած Ա/Ձ Արտաշես Տիգրանի Բաղդասարյանին (ՀՎՀՀ՝ 32530056) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգը մերժել:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի կայացրած որոշումը կարող է բողոքարկվել դատական կարգով:


Բողոքը քննող հանձնաժողով՝

Նախագահ՝



Հայրապետյան Գևորգ

Անդամ՝



Սարգսյան Մարիամ